

12b's

ORDINIS IVRIDICI  
IN  
ACADEMIA VITEMBERGENSI  
H' T  
PRODECANVS  
ANDREAS FLORENS  
RIVINVS D

POTENTISSIMI REGIS POLON· ET PRINC  
SAXON· CONSILIARIVS AVLAE, DIGEST  
INFORT· ET NOVI PROFESSOR PVBLICVS  
ORDINARIVS CVRIAE PROVINCIALIS  
ET SCABINATVS VITEMBERGENSIS  
ASSESSOR

LECTORI BENEVOLO

S· D· P







*Q. D. B. V.*



on defunt viri docti, qui, inter alios iuris  
 ciuillis significatus, id ipsum etiam inter-  
 dum pro theoria iuris accipi et praxi  
 opponi statuunt, idque facillimo demonstrari posse ne-  
 gotio ex *l. 2. §. 46. D. de O. I.* autumant, vbi POMPONIVS  
 de TVBERONE refert: transisse eum a causis agendis  
 ad Ius Ciuile, maxime postquam QVINTVM LIGARI-  
 VM accusauit, nec obtinuit apud CAIVM CAESAREM.  
 Verum enim vero, quamuis TVBERO quidem noster,  
 vti de CICERONE, et COELIO ANTIPTRO constat \*)  
 primum plus eloquentiae, quam iuri operam dederit;  
 nec tamen credendum est, eum theoriae iuris plane  
 fuisse expertem, potius cum OFILIO, qui teste CICE-

CICERONE, <sup>b</sup> viuento adhuc *SERVIO* praeceptore, maximam habuit in respondendo auctoritatem, operam dederit, verisimile est, eum, postquam *LIGARIUM* accusavit, nec obtinuit, a causis orandis plane abstinuisse, et non amplius causidici munere functum fuisse, sed ad optime constituti iuris civilis interpretationem, quae summo semper in honore fuit, <sup>c</sup>) ac ideo a *PAVLO* <sup>d</sup>) commentitium, seu commendatitium ius <sup>e</sup>) et a neotericis iurisprudencia cabbalistica <sup>f</sup>) vocatur, se contulisse ac postea varia scripta in iure publico pariter ac privato edidisse, consilio iduasae atque hoc scientiae genere quam plurimis profuisse. Satis enim intelligebat ex oratione disertissimi *CICERONIS*, quid valeat iurisprudencia in oratore, et eloquentia in defensore. Cum enim praecipua pronuntiationis adminicula sint vox, caput, vultus, oculi et reliquae corporis partes, gestus denique atque motus; haec adminicula singula deprehendebat in *CICERONE*. Nam facundissima

omnium

<sup>b</sup>) L. VII. ad famul. epist. 22  
 de viol. *CICERO* Lib. II. c. 23. de  
 offic.  
<sup>d</sup>) l. 20. D. de poen.  
<sup>e</sup>) sing. elegantem elisus. *CORN.*

*VAN EYNKERSH. Lib. V. c.*  
 26. ubi varias explicationes l. 20. D.  
 de poen. supplevit.  
<sup>f</sup>) *GALVANI. de offi. sup. VI.*  
 n. 1. p. 30

omnium haec pro QUINTO LIGARIO fuit oratio. De hac PLUTARCHVS in vita CICERONIS, ait postea vero quam CICERO dicere orsus mirifice CASSIUM movit, variisque affectibus et mira gratia eius progressa est oratio, colorem identidem Caesaris faciem variasse, perspicuumque fuisse omnibus eum animi motibus versatum. Denique ubi pugnam Pharsalicam orator attigit, fuisse usque adeo permotum, ut toto corpore tremuerit, ac libelli aliquot, quos tenebat manibus, ei exciderint. Praeterea TYBERONEM teste LAVOLENO in l. 77. D. de contrab. Emr. de iure respondisse, et consultoribus vacasse, nullum est dubium, dum proprie consulere de peritis iuris dicatur, consulentibus enim respondebant ICI secundum POMPONIVM in l. 2. §. 47. D. de O. I. verb. et ut obiter &c. et nota est consueta formula: *licetne consulere*. Vnde CICERO \*) scite ita lussit: consuli quidem te a Caesare scribis, sed ego tibi ab illo consuli malle. Consilia autem dabant vel viva

voce <sup>h)</sup> tempore matutino sub galli cantum, vt ex

HORAT. *Serm. l. v. g. et 10.* constat:

Agricolam laudat iuris legumque peritus

Sub galli cantum consultor vbi ostia pulsat,

vel in scriptis, quae libera republica saepius ab oratoribus eueriebantur <sup>i)</sup> vsquedum AVGVSTVS iudices,

ne ab eorum responsis, quae subscribebant et subsignabant, <sup>k)</sup> recederent, adstrinxit. Denique vox

consulti augmentum gradus admittit, ita enim consultissimus vir dicitur PAPIANVS in *l. 3. C. de acquir. et retinend. possess.* et LIVIVS *Lib. I. cap. XVIII.*

de Numa: consultissimus vir, vt in illa quisquam aetate esse poterat, omnis diuini atque humani iuris.

Et haec appellatio hodie ita propria est iuris peritis, vt quemadmodum medici, experientissimi, ita illi, qui Licentati, v<sup>o</sup> Doctoris iuris titulo or-

nati, consultissimi vocentur. Eosdem honores, eundem

dem-

<sup>h)</sup> vid. *l. 1. v. D. de donat.* vbi verba: dixi posse defendi, quare etiam plerumque eos cum testibus adhibent, ME-NAG. Amsen. cap. XX. p. 12.

<sup>i)</sup> CICERO pro *Morena c. 17.* et pro *Caelina c. 24.*

<sup>k)</sup> *l. 2. §. 47. de O I. SENECA Lib. VIII. de benef. c. 16.*

demque consultissimi titulum expectat candidatus politissimus, paternarum virtutum aemulus, qui non demum ad ius ciuile se conuertit, sed potius postquam ex suffragio Illustris Ordinis, studiis suis iuridicis eum<sup>4</sup> maturitatis gustum atque colorem dedit, quem rerum publice gerendarum vsus poscit, in forum transire atque causas orare constituit, audiamus eius vitae curriculum, quod ipse in chartam coniecit:

*Nascendi auspicia habui Vitembergae d. XXII. Nov. anni huius saeculi post vicesimum secundi, sacris religionis CHRISTIANAE initiatus nomen IOANNIS GOTTLIEB sortitus sum. Patre vtor CHRISTIANO GOTTLIEB REINHARDO I. V. D. Ordinis Iuridici Assessore, ciuitatis patriae Consule, Curiae Provincialis adhuc Aduocato Ordinario, nunc Potentissimi Regis Pol. et Pr. Elect. Saxon. in Summo prouocationum Senatu Consiliario designato, matre vero CHRISTINA ELISABETH e gente GIESIA oriunda. Deficiunt verba borum parentum curam, amorem, fidem et indulgentiam ex voto, prout decet, celebrandi, ita, vt cum A. Persio Flacco in Satyra V. exclamare cogor:*

*Hic ego centenas ausim deposcere voces,  
Vt quantum mibi Vos sinuoso in pectore fixi,*

*Voce*

*Voce traham pura, totumque hæc verba resignans.*

*Quod laetæ arcana non enarrabile fibra*

Certe virique Parenti optimo, ut officio suo non deesset, imprimis liberalis atque honesta educatio curæ cordique fuit, et cum probe intelligeres, ad futuram felicitatem cognitione rerum diuinarum et cultura morum optime viam muniri, prima ipsi lex fuit, ut in scientiæ vitæque sanctioris præceptis rite adolescerem. Hoc sine nulli pepercis sumtui, meque institutioni domesticæ M. BOEHMII, et postea M. RHOSTII, SS. Theologiæ tunc temporis cultorum, qui ambo doctrina, fide atque integritate probati, ministerio diuino iam consecrati sunt, tradidit. His fidelissimis magistris prima litterarum fundamenta posui, atque ex eorundem disciplinâ tantos fructus percepi, ut, quamvis duodecimum ætatis annum nondum expleuissem, nihil retardare potuerit, Grimam proficisci, et concessum ab incluto Senatu Vi-tembergenſi, cuius beneuolentia deinde, nulla inuidiæ clamentis habita ratione, variis me stipendiis ornauit, locum, ut vocant, gratuitum, Frey Stelle, in illustri Gymnasio provinciali occupare. Non sine improbitatis suspitione præceptorum ibidem, quorum disciplinæ alumnus fui, ERNELII, SCHVMBACHERI, PARSKI, VLISCHU, OPITII et HAVETII nomina præferirem. Viri isti docti  
nihil



nihil propemodum reliqui fecerunt, quod ad formandum ingenium conferre potuit. Siquid in litteris, quae ad humanitatem spectant, in linguis, Latina pariter ac Graeca, Grammatica, Rhetorica, Theologia, quam appellant, rhetica, Historia, Mathe- si profeci, id omne eorum institutioni tribuo. In classis ibi per integrum sexennium commoratus, atque honorifico, quod exhibuerunt praeceptores omnes, testimonio dimissus ad Aca- demiam nostratensem redii, ubi iam puer olim a celeberrimo b. SPENERO, cum academiae gubernacula teneret, albo studiosae iuventutis insertus eram. Iluc reuersus cum non essem nesci- us, quantum disciplinae Philosophicae momentum faciant, ut facilius adiuus pateret ad altiores, vires animi sapientiae regu- lis praeparandas esse duxi. Quo consilio ad CURELLAM nostram affi- due constitutus pedes iuris naturae et gentium praecepta ex eiusdem ore hausî, ad addicendum Logicam vero pariter ac Me- taphysicam, a scholasticorum trivis nugisque repurgatam, M. HANIZSCHII praelectiones ad BAYMEISTERI compendia sedulo fre- quentaui. Cum in hoc studiorum genere et elegantioribus lit- teris annum et ultra confecissem, omnem iurisprudentiae ope- ram accommodare cepi. Duces secutus Illustrum ac Genero- sissimum DN. A LEYSER, celeberrimum Facultatis Iuridicae Or-

*dinarium, Academiae nostrae decus maximum, Viros Illustrés atque Excellentissimos, BASTINELLERVM, RIVINVM ac BROKESIVM, cui iam lenae publice docendi munus est concessum, totam poene et legum et canonum peritiā mihi comparavi. Inprimis mihi non siue gratissima mente nominandus est Illustris CRELLIVS noster, cui profecto, si qui sunt in diuina arte nostra profectus, omnes debeo. Ille mihi verus fidusque Aristo fuit, et ut summum pietatis meae sensum absque adulationis crimine declarem, verbis utar C. Plinii Caecilii secundi: perturbat me, inquit, longa et pertinax valetudo Titi Arifsonis, quem singulariter es miror et diligo. Nihil est enim illo grauius, sanctius, doctius: ut mihi non vnus homo, sed litterae ipsae omnesque bonae artes in vno homine summum periculum adire videantur. Quam peritus ille et priuati iuris et publici! quantum rerum, quantum exemplorum, quantum antiquitatis tenet! nihil est, quod discere velis, quod ille docere non possit. Mihi certe, quoties aliquid abditum quaero, ille thesaurus est. Iam quanta sermonibus eius fides, quanta auctoritas. Quid est, quod non statim sciat? diuersitate rationum, quas acri magnoque iudicio ab origine causisque primis, repetit, discernit, expendit. Commemoro praeterea Viros Illustrés atque Excellentissimos DE BERGER et RITTERVM,*  
*qui*

qui praelectionibus suis historiam uniuersalem, antiquitates Romanas, notitiam rerum publicarum et ius publicum mihi tradiderunt. Nec matresin, cuius deliciis praeuente HAVETIO Grimae captus eram, neglexi, huiusque causa Excellentissimi WEIDLERI ac BOSII recitationibus sedulo interfui. Auiui vehementer etiam linguas recentiores, ideoque Gallicae atque Italicae bonis maxime subcisiuis operam nauavi, et ut corporis valetudini et culturae consulere, exercitiis politioribus aliquantum temporis dedi. Ad perficiendum filium ultimam tandem manum Parens optimus ipse adhibuit, et me in iure formulario, quo in foris utimur, erudiuit. Cuius ex colloquiis, exercitationibus et quotidiana consuetudine quantum profecerim, illi facillime credent, quibus nascendi conditio coniugu, ut ipsi pater sit Aeneas. Confesso igitur in litterarum studio feliciter cursu, cum iam in eo sim, ut extra natale solum experiar, quid fortuna ferat, ab Illustri Ictorum Ordine exceptus benevole, atque ad examina pro notariatu, candidatura nec non ad rigorosum, quod aiunt, admissus veniam impetraui, primitias profectuum de Lege commissoria tacita in subhastationibus publice defendendi. Cui con-  
silio, ceterisque conatibus ad communem reipublicae utilitatem spectantibus, Numen diuinum gratia sua, qua me adhuc completum est, adspirare velis clementissime.

Quod

Quam bene, recte atque ordine tempus hucusque collocauerit Candidatus noster ex hisce satis, opinor, constat; quare, examinibus, maxima cum laude, superatis, nihil superest, quo votorum fiat compos, quam vt die XXVIII. Nou. Praefide Illustr. atque Excellent. CHRISTOPHORO LYDOVICO CRELLIO, Collega nostro honoratissimo, si huius valetudo permittat, disputationem inauguralem pro licentia, de lege Commisforia tacita in subhaflationibus, tueatur. Cui actui, vt Magnificus Academiae RECTOR, Antecessores omnium Facultatum Celeberrimi et quot quot, aut Ictorum ordini, aut PARENTI CANDIDATI, aut mihi, aut ei bene cupiunt, frequenter intersint, demisse atque officiose rogo. Dabam Vitembergae d. XX. Nou.

A. c<sup>o</sup> Idcc XLVI.

---

VITEMBERGAE

LITERIS SCHEFFLERIANIS.

VA 1 1521138